

ҚҰБ Қолма-қол ақша айналымы департаменті банкноттар мен монеталарға сараптама жасау басқармасының басшысы Асхат Әбішевтің күмәнді банкноттар мен монеталарды айырбастау ережелері туралы пікірі

Жарамдылығын жоғалтпаған және Ұлттық Банк белгілеген банкноттар көлемінің кемінде 70% сақтаған шынайы банкноттар төлем құралы болып есептеледі.

Ал, төлем құралының белгіленген көлемінің 70% астамын жоғалтқан банкнот пен монеталар күмәнді болып саналады. Сондай-ақ, шынайылығын анықтауда қиындық туғызатын бүлінген немесе бұрмаланған ақша белгілері де осы санатқа жатады.

Егер банкнот Ұлттық банк белгілеген көлемінің 50% астамын ақтап қалса, онда бұндай ақшаны ҚҰБ филиалдары шынайылығы мен төлем қабілетін анықтау үшін сараптамаға алады.

Сараптама шын ақша деп таныған банкноттар айналымдағы жарамды ақшаға айырбасталады. Айырбастау үшін қосымша ақы алынбайды.

Жалпы, осы жылдың 11 айында Ұлттық банк 1727 күмәнді банкнот пен монеталарды сараптамаға қабылдап, оның ішінде 972 банкнот пен монетаны жарамды ақшаға айырбастады. 2019 жылдың осы уақытында 3 971 күмәнді банкнот пен монета сараптамаға қабылданып, 3 188 банкнот пен монета жарамды ақшаға ауыстырылды.

Атап өтетін жайт, Ұлттық Банктің барлық филиалдары номиналы бойынша Қазақстан Республикасының аумағында айналымда жүрген және заңды төлем құралы болып саналатын ұлттық валютадағы төлем банкноттары мен монеталарын қабылдай береді.